

3487
4150

v.k²

枕戈誌
坤

RECEIVED
LIBRARY
UNIVERSITY OF
CALIFORNIA

Carpentier

枕戈誌下編上

丙子十二月十三日金慶徵孫以都檢察使將
八江都也其母及妻各乘屋轎婢子着剪帽與
其卜馱并五十巾幾盡京畿夫馬有一婢所騎
馬足蹶見落謂其不善待應行杖京畿邑陪吏
於路左與李敏求使副洪命一鞭先入江都原任
大臣尹昉金尚容禮曹叅判呂甬徵正郎崔時
遇社稷令閔枿叅奉池鳳遂柳通宗廟令閔光
勲直長李義遵奉事呂甬弘奉宗社承旨韓興
一護嬪宮元孫與淑儀及兩大君與夫人諸宮
人駙馬公主翁主隨行韜鄭光績宰朴東善前書
李尚吉前判書姜碩期鄭孝誠正都沈覲以老病宰

臣奉承傳入去武寧邊渝前參議洪命亨前參議沈之源前

李時稷正趙希進前掌令鄭百亨善尹炗前校理尹鳴殷

樸李一相工曹佐郎李行進佐郎朴宗阜謹邊復一韓奇

晚猷戶曹佐郎任善伯承文正字鄭泰齊弘林埈學尹養前縣監沈

東龜正李士圭司簿宋時榮蚬權順長奉常高進民

或未及扈從或分司在洛者從後隨入禮曹判書趙翼

別無承傳而落後自南陽初為義兵轉入江都

前大司成李明漢議李昭漢方在草土以退避為未安

於分亦為人去是時嬪宮到甲串津無舡不得

渡留岸上晝夜上下皆凍餒然濟人之權在於

檢察而舡隻皆在越邊不能相通嬪宮自屋輜

內出玉聲大呼曰慶徵汝何忍為此留守張紳

言於慶徵艱濟嬪宮以下而其他士民避亂者
不知其幾許千萬遍滿津頭矣賊兵至一瞥之間
蹴踏殆盡或被搶掠或投海水

慶徵舡運金浦通津之倉穀名為賑救島中士
大夫而獨渠親知外无一人得食者當時穀貴
寶賤欲圖自己之利且將移運海州結城倉穀
矣江都被陷未及遂計自以江都為金湯賊不
能飛渡朝夕宴樂日以杯酒為事山城被圍累
月聲聞不通而不以君父為念大臣或有所言
則輒曰避亂大臣何敢指揮大君或有所議則
又曰當此危難之際大君何敢與焉以是大君
大臣以下莫敢開口別坐權順長生負金益諫

上書於慶徵敏求張紳等曰薪膽即事杯酒非
時慶徵等怒之慶徵固不足責其餘諸人皆恃
其險無意防備放送哨官盡還其家一島之外
不為偵探識者莫不寒心

或傳忠清監司鄭世規死於賊陳大臣以李敏
求伐之敏求以江都為萬全之地湖西為必死
之所遑遑汲汲百般謀避分司促其行謂海氣
寒凜不可无禦寒之具賁取燒酒托此曠日而
且欲率去其妻子金尹兩相相議曰若爾徒弊
列邑遂止之先是京畿監司在圍城中圻邑之
事无可分付廟堂請以敏求為畿伯上曰予以
此人欲托六尺更擬他人大臣曰雖拜此職他日之托

未為不可云則 上許之賊圍甚密 教旨終不得出送
三道舟師死一人赴難惟忠清水使姜晉昕星夜入援險
察使二以所願船隻分置於燕尾亭及諸處本島船則皆
在廣津

丁丑正月二十一日通津假守金通牒報曰賊方以童車載
小船向江都云慶徵曰江水尚堅何能運船謂之亂軍情
方欲斬之甲串把守所報亦如慶徵始為驚動以海崇尉
尹新之守大青浦金昌右柳廷亮守佛院俞省曾守長令李
垺守加里山慶徵出鎮海樓下自守甲串軍卒不滿數百事
已危急而軍器火藥分給之際隨給隨錄倉卒失措如此
何能有為乎一大君初與慶徵出見陣處見其兵數零星遂
入城中更欲收拾軍器以為防守之計人皆走散不得已

始為城守留守張紳為舟師大將猝發廣津戰舡沂向甲
串而時當下絃潮水甚少達夜刺舡二十二日曉頭僅至下
相去五里許姜晉昕率七舡住甲串與賊力戰、舡被陷
者數隻晉昕舡亦被大炮數十穴軍兵死者數十人晉昕
身被數矢而所奪賊矢及戰具亦多晉昕所領之舡甚少。
張紳則見賊勢甚急無意前進晉昕擊鼓揮旗催督張
紳：終不進晉昕呼於舡上曰汝受國厚恩何忍如此吾
將斬汝紳不動仍順流而下時井浦萬戶鄭埏德浦令使
退軍鄭埏輩因退賊初疑其設伏不敢發舡及賊舡一隻
衝過戰舡之間泊崖下陸者七人而無箭可射只手持一鈞
无馬步行遠崖而北上崖賊周望无藏兵處知其无備登高
處以白旗招越邊之賊於是賊舡蔽海而渡本邑中軍黃善

身率哨官百餘力戰於鎮海樓下身自射殺者三軍人射
殺者六善身力戰死之軍皆遁散蓋江都哨兵皆在張紳
船中以主將退縮无一人下陸者慶徵自知无可奈何棄
走浦口舍馬登舟是時慶徵張紳之老母在城中而令皆棄
船而走西家老母死城中相臣令若干人守城曰若有先出
者當行軍律嬪官令金仁徐後行林友閭權俊俞好善等
五人奉元孫出往海口宋國澤聞光勳召甫弘閔栢柳頴李
遵義部將閔又祥等相議曰元孫已出吾等守城何為皆出
城隨去金仁抱元孫而走馬疲賊迫宋國澤援騎及至海上
適有艤舟若待後然遂浮海數日到喬洞此實天也閔孔猷將
欲搜索諸島自喬洞移任文島仍向唐津方渡文島時島人
大會津頭問此船來自喬洞否船人詰其所問島人曰今夜島

中諸人之夢有船擁五雲自喬洞到本島故云人皆驚異朴
知事東亮沈叅議之源亦在其水親聞之國澤以此加資而
其餘亦皆陞叙大臣啓辭此皆宗廟社稷之官棄其廟社
主國澤之外皆還為廷奪

賊兵四圍前右相金尚容已知事去脫其所着衣付家人曰汝
若全保以此衣傳諸兒以為他日欽羹之具因往南門踰火
藥櫃他人在傍者皆揮去金益謙權順長獨不去并死於灰
燼中

尹昉以廟社提調在廟主奉安之所及賊至昉呼曰汝殺我賊不
應投廟主於污溝昉收拾廟主裹以空衣臥於卜馬渡海欲偷生
賊迫下陸慮其廟主之被辱分載奴僕衣服使婢子騎其上事
定後三司俱發論以按律再被罷黜一為付處放還未幾而終

都正沈覲與其妻將死製疏納諸懷中而並自決其疏曰
臣沈覲百拜上書于南漢山城 主上殿下臣與妻宋姓
同日自決以報國恩

注簿宋時榮初與李時稷同舍時榮先自決時稷結項使
奴引之奴不引從命以所製贄文及綱巾付家奴遺其子
贄曰長江失險北軍飛渡醉將惶怖背國偷生把守瓦解
萬姓魚肉况被南漢朝暮且陷義不苟生甘心自決殺身
成仁俯仰无怍嗟爾吾兒慎勿傷生歸葬遺骸善養老母
縮伏鄉廬隱而不起區區遺願在爾善述遂死之
士大夫自決者金尚容鄭孝誠洪命亨尹烜鄭百亨皆旌
閭其中三人或稱為賊所殺云而無目睹者豈可以流言
沒其善哉故寧臣閔仁伯之子埤先殺其妻然子後自決

一子遠在他鄉以詩生李士玉死於賊鋒如此輩者不能盡記
婦女之自決者金塗李聖求金慶徵鄭百昌呂南徵金槃李昭
漢韓興一洪命一李一相李尚主鄭善興之妻中平府院君韓
俊謙之妻母子延陵府院君李好閔之妻女即鄭孝誠之妻也
其婦人之死節者甚多未能盡記可惜金震標迫其妻使之
自盡金塗及慶徵妻見其婦死繼以自決

新及弟李嘉相文章早著志行冠人其慈母宿疾六七年暫不
離側藥餌飲食不任婢僕知其行者莫不歎服至是賊兵至
僅得藏其母而身則被擄賊退後其妻負其母而走嘉相不
料其妻之負逃意其母不能自動必死於當初被擄之所冒白
刃逸故往來賊陣尋其母屍旋執旋送如是者六一日遁入外
島中僻寺又將向賊陣士友之避亂寺中者率衣而止之答

曰我亦知其在此則生去則必死念病母萬无生理不忍
獨生仍裁書付僧使傳其父兄以通為少死之意強八賊
中終至被害死於孝亦是死節故錄焉 權順長自焚後
其妻即李久源之女也先縊三女而後自縊死順長妹十
二歲處子亦自縊死此皆婦人之能斷於義者也

李堦及尹新之皆在防禦所其父即在城中賊蒲路塞皆
獨自乘艍而逃亂定後俱被重勅俞省曾等不為防守亦
先逃去

陷江都者九王也及其回軍城中被擄者放還城外被擄
者率皆獲去戊寅七月掌令柳碩朴啓榮等啓曰君臣之
義無所逃於天地之間死生榮辱理無獨殊豈可以運之
汚隆身之利害而貳其心哉前判書金尚憲以一時名望

受知於聖朝帷幄十年最恩遇眷注之深分義之重何忍棄
殿下於危難存亡之際乎方南漢下城之日君父陷不測之危
臣民同同極之痛先身後君義之所不敢出金尚憲既不如
鄭蘊之刺刃則始終禍福惟殿下與共而抽身遠去曾不顧
念時事稍定竟漸末親偃息使地越視玉室自為潔身全節
不事汚名鼓舞異論彰國之惡而眩亂人志噫人臣之義
至此掃盍矣要名敗名樹黨誤國尚憲餘事耳其無君不
道之罪不可不懲請命極邊圍籬安孟 卷曰金尚憲論罪太
晚矣之無妨

大司憲金榮祖以陳奏事將赴濟陽上疏請遞

畧陳禮曹前

書李顯英劄子大槩金榮祖上疏啓下該曹而伏見金尚憲

論罪太晚之教臣亦曾忝法官不覺瞿然先削臣職

蓋其意欲伸
救金尚憲也

答曰此劄子似無前規亦有如此規例乎問啓

持平李海昌方在呈告中即出士論啓請柳碩朴啓榮等
削去仕版永不叙用答曰此啓辭還出給勿出朝報仍傳
曰如此无前怪妄之疏政院何以捧入耶諸承旨所為亦
甚可怪矣李海昌以此遠竄盈德

玉堂副提學李黎應教洪命一修撰李行遇等劄子大槩
柳碩罷職朴啓榮遞差答曰此人只取欲死之名終無捐軀
之實以予觀之其不及任天真者似遠矣棄其危難之君翱
翔安靜之地其與涉法隨駕忘身盡瘁者亦似不侔矣而
卿等過為褒美无奈公道不足而然耶憲府所謂朝要等語
皆是滄浪自取之事何必過為盛怒哉柳碩等設有罪過
臺諫自當論之何必如是逞有似捕盜哉今此承指實為可

駭予甚惜之

左相崔鳴吉劄子大槩金尚書文章操行見重於一時當南漢被圍之日挺身赴難裂書痛哭其節義誠似可尚溝瀆之諒自不能下乃欲責望於奉社稷宗廟之君悻已出城不顧而去跋涉無據忠臣去國不愆其名彼其平日自恃如此而臨危處身乃至於此見者不察指謂高致世道之憂良亦不淺雖然跡其所為特出於剛偏太過識見不足一時見得之差遂成多少狼貝其在今日不過田間之一通臣臣之不問益見天地之量何至於無君不道之目過為擬律使人心不平益長携貳之漸乎李海昌不問長官獨出論効事甚無據連此之命亦出寬假其他二臣理難獨免臣之愚意勿問論議異同并加違免令不得更生開端

方合鎮靜之道臣之不與金尚憲衆所共知為世道憂不得不如是 答曰柳碩等劄辭如此當令依劄施行

金榮祖違大憲金榮代之啓辭大槩柳碩朴啓榮不恤公議獨主私見措不義羣情甚駭請命罷職

答曰因大臣劄子已為違差更勿煩論 金尚憲團歸安臥事停格 新除授持平

朴守文上疏違差

八月掌令李尚馨持平金重鎰掌令李燧 尚馨在外 李燧啓曰論金

尚憲之罪雖始發之際微欠周詳實係明君臣之義國人所共知

非一人之私言也欲救金尚憲者汲汲起評彈乞發扶植罪人

搏擊言者玉堂則身被嚴旨不思引咎憲長則躬行彈劾不

暇顧例獨停重論如恐不及何其無忌憚之甚也請副提學李

繫應教洪命一修撰李行遇大司憲金榮並命違差 答曰依

啓

持平金重鎰避嫌大槩掌令李炆不避嫌跡更起端端憑依
黨論欲濟其私輿情共憤識者寒心請掌令李炆逾差

傳曰一人之言實非公論違例之事可否不可此啓辭還

出給今後如此彈文勿為捧入

重以此特除
鎰北青判官

大司諫崔惠吉避嫌金尚憲以一時重望之人求死不得

終不來覲於下城之後其情雖恕難免人言至於斷以重

律則上果何公論乎李海昌之柳碩等所失甚相遠而遞

職遠竄輕重懸殊金重鎰之於李炆所失本無異臣之遇

意終不無罪同罰異之歎故欲以此論啓僚議不一臣忝

長官言不見信

請命
罷職

正言鄭之虎啓曰李炆決可不與金重鎰同罰而長官終

不肯諾先為請避臣不敢獨冒請命罷斥

獻納崔繼勳啓曰頃日齊坐時以論通玉堂事發於席上
今見大司諫崔惠吉問通則以掌令李炆持平金重鎰獨
為彈劾殊失事體并請遞差臣既欲論劾玉堂而又遞李
炆則必涉無據李炆之遞玉堂憲長實出於公議獨啓未
為不可金重鎰歷歇清頭 所致也其所謂不避嫌跡實自
道也臣之所見與同僚相友請遞臣職

玉堂副提學金壽賢應教鄭致和修撰沈膺劄子大槩崔
惠吉遞差獻納崔繼勳正言鄭之虎出仕 答曰依啓

八月畫講經筵官叅判李景奭玉堂睦性善沈膺八侍李
景奭曰柳碩之論出於挾憾此非公論 上曰挾憾之言非
矣當規其是非而已金尚憲鄭彊所為一體只和金尚憲

而論之非也但尚憲不問其君不哭其元果謂得人倫乎金尚
憲以祿之臣相從一紀餘遭此國極之變棄君父不問目
全潔身遠居者尚憲之所作楠也此時論尚憲者雖謂鳳鳴
朝陽可也睦性善曰為今之計莫若先立紀綱明其是非矣
兵曹叅判李敬輿在鄉辭職上疏大略臣在南漢目見金尚
憲鄭蘊垂絕幸生求死不得之狀尋常歎憐自懷慚惡
不應之人意見不同到今改斥金尚憲扣攻索怪小人至
請安王之律二百年禮義之邦為天朝為義者惟此二
臣又從而深攻焉則其何以有辭於天下後世也兩臣之事足
以為國之光有何彰國之惡也以此為罪臣竇未服也
十月掌令李汝翊持平李道長啓曰見危負君臣之大罪
也苟不秉法治之則其流之害將至於臣不臣而國不國

可不懼哉前判書金尚憲求死不得則義不敢而托疾
僵卧絕不扈駕願乃往春川尋挈家眷踰嶺擇便處從
賞加乃是恩典而封還教旨若將況焉况春官異域之行職在
賓客終闕拜送其與孫傳之請從一何相左也請金尚憲中道
付處人臣之事其君見危授命無可去之義前叅判鄭蘊
刺刃不死病已之後義我當來覲而遞、故鄉無顧念之必要
潔其名不念分義之重為人臣子安敢如是清鄭蘊罷職
不叙 荅曰至之可矣不必施罰蓋啓辭中封還教旨 往
春川職在賓客等語皆誣語也掌令徐祥履啓曰臣伏見
本府論金尚憲鄭蘊等之啓不勝驚訝李汝翊等更我
已停之論作一時奇貨以為擠人之機竅何其甚耶臣之
愚見如此不可苟同於一席請命罷斥云言嚴昇者朴守

文憲公李道長李汝弼徐祥履并命逆差執義權瀾出仕

答曰依啓祥履以此特拜鏡城判官

大司憲徐景雨呈辭逆差金榮祖代之又逆金槩代之啓

曰臣愚見已悉於前今何更瀆第告君之辭不容有一

毫虛忘而初不下送之教旨至謂之封還不敬之罪暗昧

加人似此措宣是出於亡者乎至於鄭蘊之特出獨行

聖上之素所容許刺刃求死其志可見孰謂撲直任真之

人乃生計較要名之意乎欲加之罪臣實未曉也決難苟

冒首席請命罷斥臣職傳曰金尚憲加資教旨該曹何

不下送耶問啓兵曹啓曰凡教旨本曹別無下送之規吏

曹書吏金義信受去以在遠道故不即傳送臣之文書輒云

執義權瀾啓曰臣臣於金尚憲心實非之而秋間冰台上來

正值西事艱虞不敢提起往事以開閑端及臣移忝本府已
發於僚席未得蒙允今見大司憲金鑾引避乃與臣之所
見相左何敢偃然處矣請命連斥

正言朴守文啓曰臣之愚見與長官相左請命罷斥

大司諫崔惠吉啓曰金尚憲鄭蘊之事憲府提起陳論更惹
閑端此豈今日之急務乎且兩臣心跡似不可強為分別而擬律
懸殊尤未知其可也大司憲金鑾不為苟同蓋出於鎮靜今
日庸君之道臣以此發言同僚先避不可仍冒請命罷斥

答曰

金鑾呈辭
權澍就職

十月憲府執義權澍掌令朴敦復洪瑱持

平李雲裁啓曰金尚憲罪狀已盈於前啓而聖批乃以盈
而容之為教臣等之惑滋甚不得不畢其說焉宗社之計自
別於匹夫之諫人臣之義當盡於所事之君尚憲之責望於

殿下則高出於大王文王之上其所以自處則乃出於古
卽孫傳之下其言之不顧行听亦甚矣當日之事臣等槩
可想矣自以平生挾中之人不量事勢固守已見進既不
能以國斃退又不能捐其軀一味漸恨悻悻下城以至君
危不恤兄屍不收自不知忘親負國之罪來萃其身及其
踰嶺之後不能靜處而引慝浮遊於湖嶺之間自負以辯持
大節其與所謂窮人无所收者一何相左識見偏暗雖謂之
不足數可也以聖人包荒之量處而容之亦或一道而獨人心
不淑橫議興行以尚憲之故論議角立朝著不靖攻之者
目之以不道保之者許之以立節不道誠為過當而實未
知所立者何節也夫以鄭伯之內袒辟羊而子產受其政
宋高之忘親事讎而朱子立其朝上下數千載間人臣處

變不一其道而如尚憲所為求之簡冊蓋無其論宜中當
因事既去之後棄位而逃之占城尚憲之處其身務勝於
子產朱子而乃比於宜中臣等不知尚憲平日之讀書以
宜中為何如人也尚憲稍以清名自恃為一代所依此論
之發衆起而咻之必欲置尚憲於無過之地黨論之壞人
心術一至於此誠可寒心大抵天下之事本無兩是必以
尚憲為是則今日在朝者為非是非之際衆人所趨皆將
相率而去自以為高致誰宜從 殿下於危難之際哉此
臣等之所大懼也議論不可不定是非不可不明請勿難
亟命中道付處

權衡所制

答曰罷職

金尚憲聞去元金尚容以從自京中下東
內浦行到延州知其虛傳而空還兩謂序

游湖嶺之間者指此也蓋諸臣謂柳碩李炫之挾憾云者曾有乙丑年間睦性善柳
碩繼名上疏仲敦仁城君竟死金尚憲時為大司諫重賊之誣柳望以廢棄十餘年李炫
曾在甲子定愛姓之祖湛父工書佐郭晉英及炫皆不慮從金尚憲以大司諫論初至智父
祖孫三代負國之人及今始通頭路又當以權衡為不亡之人尋憾齊集則於必陷而後

已故所論
如是夫

正言李道長啓曰頃忝憲府論金尚憲也實因因言之藉以並示
其不受賞加之律指語之間下字錯誤至被虐誣之所請
命遞職

掌令洪瑱朴敦復持平李雲裁啓曰臣於前日諸坐以罪
重律輕之意言及於席上執義臣權澍亦以為然而業已
連啓引避瀆撓因而論啓矣今日持平李慶相以金尚憲
罪律不相副為非臣等論事不中之失著矣請命罷斥
執義權澍啓曰僚議以金尚憲前啓罪重律輕為言臣曰
此啓則果如僚議改議而構之如何僚議亦以為然而改
構之後又執前論臣意以為此論之發只欲明是非定人
心律之輕重不必計較矣昨日又發於席上同僚引避何敢

晏然請命罷斥

持平李慶相啓曰今日行相會禮然後臣以為金尚憲之罪以避事論之不但付處而已則諸僚先自引避臣何敢仍冒請命逆斥

玉堂應教鄭致和副校理睦性善修撰沈齊劄子大槩正言李道長掌令洪稹朴敦復執義權澍持平李雲裁李慶相並命出仕 答曰依啓李慶相逆差洪稹朴敦復李雲裁就職

十月前以金尚憲付處連啓今日加請遠竄鄭蘊罪罷不叙答曰已諭勿煩

大司憲金槃逆差呈辭李行遠代之啓曰近來以金尚憲鄭蘊等事轉輾紛紜攻之者加以不近之說救之者亦不

得其實臣竊惜之茲兩臣自在山城求死不得及至還都
攻斥二和之議日以益峻非惟不敢進亦不得容於世其
情可感不可怒也今之攻之者初不下送之教旨謂之封
還亂前已逆之賓客謂之猶帶一牲湖西哭其兄喪則謂
之浮遊回鑾舊都不可與崖山以屏伏巖底亦不與占城
同而至擬冑中之遁去遣辭備伺蒼卒率易位其能立公
論而服人心乎至於鄭蘊之罪而不得其說初謂之要名
竟以悖二為辭吁亦異矣如臣疲劣叨授首席決難鎮浮
議而振頽綱請命逆斥
持平鄭恭齊啓近日本府以金尚憲鄭蘊事論議方張其
間意見稍有不同者則輒被斥去臣竊痛焉當天地翻覆
之日誓心不易者只有金尚憲鄭蘊也斥和之論既云誤

國則兩臣不能自以為無罪而重八都門者其情誠可哀
也不此之諒乘時搆捏擠入手段吁亦甚矣臣之所見與諸
僚相左請命罷斥

掌令朴敦復洪瑱持平李雲裁啓曰近以金尚憲論罪論
議用立群起而曲護之攻斥之使不敢言竊以為怪焉臣
等商議其律以遠竄論啓矣今見大司憲李行遠持平鄭
恭齊引避之辭則無非救解金尚憲之罪而攻斥臣等之言
也如欲爭下臣亦疲矣何敢仍冒請斥臣等之職

正言李道長啓曰金尚憲之負殿下者多矣為殿下之臣
者見人之負殿下則據法而論罪實出於公論今見大司
憲李行遠持平鄭恭齊之避辭不覺瞿然嗟咤也一品官
教何等榮章而終年投於下吏之家實是意慮之所不

到而誤下封字臣已自作十年曹巡最承殊遇亂前已連
今始初聞而昌陵當日泣血拜送者不獨春官之僚屬則
分義尤重之說雖使尚憲聞之亦必流涕而自服矣至於
鄭蘊不為來覲長往不返雖無顧戀分義之重且非不繫
其名之義論以薄罰亦欲防一時自好者口實也不圖乃
與金尚憲而並舉必曰兩臣兩臣至以強為分別為論事
者之罪案此又未曉也臣率爾論事以致不靖之端何敢
晏然處置命削臣職

正言任孝達啓曰金尚憲少有文名持身清苦足稱狷介
之士而賦性剛狹果於自用一生峻論攻斥異已則為人
亦可知矣當殿下出城之日終無係戀長往不返擇諸分
義豈得無罪既罷其職分論已行則亦可休矣臣之所見

如此何敢處置多官乎

請命
罷斥

大司諫金世濂啓曰金尚憲事初非係國家存亡論議一潰彼此相激君危國亡置之度外臣叩首席其敢定是非鎮浮議哉決難仍冒請命遞斥

司諫洪命一啓曰大司憲李行遠持平鄭恭齊掌令洪瑱朴敦復持平李雲哉正言李道長任孝達大司諫金世濂并引避而退今者憲府之論金尚憲鄭蘊也定是非於衆口不齊之中別輕重於心跡一體之人所謂教旨賓客誣狀呈露其於以擬之不倫何可種之攻破哉二臣有罪無罪宜無異同而竄律罷罰科斷懸殊告君之辭不直終不免罔上誣人之歸為今鎮靜之責專在首席若去其已甚其餘叟二何足掛齒請李行遠鄭恭齊出仕洪瑱朴敦復

李雲裁任孝達金世瀛并令連署

十一月初一日改大司憲南以雄大司諫金樂掌令李煜持
平申濡正言鄭之帝黃曄

院啓憲府之論金尚憲采一時之公議則不可以罪尚憲
者為非也李行遠鄭恭齊等護黨自誣以尚憲無一點可
疵者然引避之果都是搏擊害者阿好傾軋之態莫此為
甚司諫洪命一不念是非之章徒幸處益之故其手乘時

逞私益遞多官只獨出兩人無忌憚之漸不可長命連差

答曰依啓

命一持拜高啟

初三日府啓金尚憲遠竄答曰削奪

官爵初四日鄭諱罷職不叙停啓

初五日改司諫權澍執義李煜副校理李道長掌令任孝

達修撰嚴昇尙

初六日朝講榻前啓 上曰其罪不必深治初欲罷職而止耳
近來年少之輩過為營救和措不美故已加罪今後則決
不可從停啓可也

初八日執義李桂持平朴守文中濡啓曰近以金尚憲論
罪事朝著之間氣像不佳臣等^非不知鎮靜之為好而臺諫
論事之體輕重久違一徇公議尚憲之罰止於削奪物情
皆以為大輕臣等仰請為期今日南以雄以停啓送簡臣
等以更議答送南以雄更為送簡以勢難參啓為辭臣等
所見既與長官相左何敢晏然論事請命^{遞示}
大司憲南以雄陳疏辭職 上不許出仕啓曰近以金尚憲
事論議橫瀆朝著不請兩臣之 聖上既以施行公議亦
得少伸一向堅執似涉瀆擾臣等得論發簡則同僚以

太遽為答即為引避臣何敢自是已晏然是非請命連斥
大司諫金鑾啓曰臣曾以此事重被扶植罪人無忌憚之
斥今晏散晏然是非請命連斥

院啓執義李炆持平朴守文中濡大司憲南以雄大司諫金
鑾並引嫌而退止於削奪果似太輕朝著不請欲為停論
前既被叅不敢處置俱無可避之嫌請並命出仕

十三日政大司憲南以雄陳疏連差其代金漫在鄉獻納沈
膺正言洪瑱副校理林堦

二十三日府啓金尚憲速竄停啓

庚辰正月大司諫朴瑬啓辭大縣掌令柳碩用心處事似
非吉人正士請罷 上不允

柳碩上疏大縣臣本疎過得罪於時見嫉於人久矣行謹

軍金尚憲有忘君負國之罪臣知有君父而不知有權臣曾
叨本職畧陳所懷臣豈不知一論此人奇禍立至而蓋其狂
妄之見不可移也今日朝廷之上無非尚憲之人者張目切齒
必欲殺之而牽賴天地父母曲加寬貸得至今日而含沙之毒伏以
伺影臣自料慮心行事之謂何可免也 殿下深居九重何知今日
景像樂據之勢焯赫之焰威福一古十有八年以已異窮達
其人臣有人情苟有患失之心則何可必利之途觸難犯之
怒而自取顛頓也哉臣又竊聞尚憲之流曰自古無不死之人
亦無不亡之國身是匹夫而猶不能自決乃欲以溝瀆之量望
於奉宗廟社稷之人君何其不思之甚也即 殿下之臣可
愛者吾君雖萬被誅戮義難緘口亦臣戚矣臣既已無狀
取人搆捏之斥豈敢強顏得玷班行並許鐫免以便公私

答曰省疏具悉臺諫之不正予已洞燭爾勿控辭安心察職
上經年違豫汗使差胡滿日介來審於上卧內然後使送
元孫及麟坪大君與夫人庚辰三月十五日及子一番出來
其後送一大君旋即俱還送元孫與麟坪夫人
已卯秋賊使以五千舟帥助攻天朝以林慶業為上將李浣
為副將發諸道舟師以赴師期

十二月初十日金尚憲上疏曰負罪臣金尚憲伏以臣積
毀破骨分甘投荒伏蒙天地父母之恩行譴既免職牒繼
還偃息田廬沒身為期自念老病餘生朝夕待盡無以報
聖德之萬一日夜感激涕泣而已頃者伏聞上疾違豫
久未復常臣子之心雖切憂慮素昧方技未由效誠近日又
聞朝廷從北使之言將發五千助瀋陽犯大明臣聞之驚

惑未定不以為然夫臣之於主亦有可從不可從子路冉求雖
臣季氏孔子猶稱其有所不從當初國家勢弱力屈姑為
目前急存之計而以殿下撥亂反正之大志卧薪嘗膽今
已三年于此雪恥復讎庶幾指日可望豈意愈徃愈微事
之由從終至無所不至之地乎自古無不死之人亦無不亡之國
死亡可忍從逆不可為也有復於殿下者曰人有助寇讎攻
父母 殿下必命有司治之其人雖善辭以解 殿下不赦必
加以王法此天下之通道也今之謀者以為禮義不足守臣
未暇禮義以辨雖以利害論之徒能為強鄰一朝之暴而不
懼天子六師之移非遠計也自丁丑以來中朝之人未嘗
一日忘我國特怒其無救而敗拜我非本心也関下列屯之
兵海上樓船之卒雖不足於掃邇裘復遠疆而其於禁

我國之為標則有餘也若聞我國之人為張鬼於虎前問
問罪之師雷奔電擊帆風一日直到海西畿島之間毋謂
可畏者獨在於瀋陽也人皆曰彼勢方強違之必有禍焉
為名義至重犯之必有殃與其用義而生終未免危亡之
若守正而俟命於天乎然則根本固以此守國未有不護其
佑者也我太祖康猷大王建義我回軍建三百年鞏固之
基宣祖昭敬大王至誠事天被壬辰極濟之恩今若棄
義忘恩忍為此則縱未顧天下後世之議將何以見先
王於地下亦何使臣下忠於國家哉伏願殿下赫然
改益亟定大計勿為強暴所收勿以邪議所誑以繼太
祖宣祖之志以副忠臣義士之望臣受國厚恩久從大夫
之後雖在廢退當此國家莫大事之義我不可低嘿前日柳

琳之行臣居遠事迫未及獻言如恨在骨至今耿耿不敢不
避忌諱輒陳愚悃恭俟鈇之誅伏願 殿下垂察焉

庚辰十月龍骨大梧木謁沙三人出來二將留灣上不道馳
到京中責以當初不如約條者十二件事乃向化逃還唐
人及我國人不卽刷還三公六卿質子或以孽子或以疎
族苟充以送前徵兵以誤軍機今者舟師不得八來還回
不前採蔘人及佃獵彼境者不為禁斷漢人舡隻到我境
者不禁不告江都及山城不言渠擅自修築柳琳欲為調
用使之等待而擅送南方林慶業所率軍兵往在彼地者
戰馬及糧餉不卽送之軍前等事也恐赫萬端領相洪瑞
鳳曾叅於山城約條時吏曹判書李顯英主用人都承旨
申得淵往年林慶業處送夫馬時有防啓叅判朴橫前在

潘陽有祿知之事使之俱送故頌相以下諸人星夜馳往灣
上所謂朴潢有祿知云者指祿知鄭雷卿事蓋鄭於丙子
之變以講院兼官自請赴潯及我國所送紅柿生梨等物於汗
也鄭命壽改其文書減取其半雷卿欲因此事而除命壽與
司書金宗一院吏姜孝先密議且與漢人之投虜者同心結約
欲一時並殺而現露其事 世子往見汗時宗一陪行龍馬先知此
計問宗一曰汝欲害命壽云然否宗一以不知若之龍馬即館
所問雷卿曰有之龍馬大怒因雷卿於別處先殺漢人付詰
責我朝廷自 上初欲送使救解相臣崔鳴吉曰如此則益致其
怒无益於雷卿不如馳送宣傳官使之賜死孝先之名雖不出於
胡人之口終若事發則初我_{不如}我國先為同時賜死之為愈如此則雷
卿輩或有萬一得活之幸 上從其言送宣傳官四月初八日賜死雷

卿孝先於藩館世子親欲往救於龍馬館中諸臣力請猶不止先送講官鄭知和於刑部見辱而還然後不得已止之兩人及死歛殯衣服皆自內出帛祭哀痛一出於誠遠近聞者無不感激宗一以此拿來謫盈德

朴簪從前奉使虜中與龍馬兩胡及鄭命壽交結已久簪之到瀋陽至於龍馬出示其妻子龍馬曰令子即吾兒也其與虜親切可知而且與雷卿同處館中雷卿見簪多行鹿郊之事攻之太甚不與同坐相語及雷卿之死人皆謂簪之妖也

領相吏判先到灣上申得淵到松京還上疏言今番龍胡之來專為臣身往則必死願死於朝廷上命速往則又上疏言臣素子無姓收骨死人請葬往外甥姜文明備局請送之文明即左相願期之子欲藉其勢故也

中路聞吹角聲意謂胡差之來捕走八藪匍匐而行半月始到安
州狀啓言周晝夜來到安州云人莫不竊笑龍胡招吏判領相而
言曰貴國有斜金陽者不用大清年號南漢出城不隨駕 世子
往還亦不迎笑不受官爵凡干上疏指教年少輩為之云然否所
謂斜陽者蓋指金尚書而胡語如此也詰責無數領相以下知其
終不可諱答曰老病在遠故官教下吏不即下送此非不受官爵
云其餘事無復下別龍胡等曰使速來見備局因啓更令灣上
諸臣善處 上答曰依啓且此人如或徑死貽患國家念之領
府事李聖求密劄彼以不受官爵為言若拜二相兼戴師
而人則可以舒禍云且備局別送下吏賫去銀兩行賂於彼處
胡初不甚准及申得淵至灣上暫被龍胡填責出見鄭命壽
哀乞萬端指示生途命壽曰若無橫議之人可生得淵即書

給金尚憲曹漢英武昌士人蔡以恒等三人此則其外甥宣
川府使李炆嘆之云龍胡及聞此言催督三人使之兼程入
送備局以得聞事稱以無據則傳曰隔人求生不義也貽
患國家不忠也備局不以為然只稱無據今日朝廷可謂無法矣

遠接使李景魯狀啓丁丑以後臣非遠接則館伴非不知彼
中氣色即今形勢頓異前日金尚憲自知其不免至今不來
朝廷不為分付乎云、灣上諸臣初欲救解及龍胡聞得
洎之言遂日催督至以送兵一千於嶺南親自捉去云且以布
帛籠去云領相以下言語恐赫京外騷動灣上諸臣大生惶
懼狀啓一日三續皆促送金尚憲三人也

金尚憲初以未有上命而不可先自上去及備局関子到本
道十一月晦日自安東即發而言語動止一如平時遠近親

舊先不哭送輿僊下卒亦皆流涕到京 上遣中使賜以
貂裘厚給行資仍 傳曰卿先朝舊臣從遊予者亦且多
年義雖君臣恩猶父子頃年退去猶極缺然意謂禍生竟
至於此良由寡昧不賢之致言念悲慚不覺淚下也予切
欲相見難便未果願卿善為開陳以解其愁

金尚憲謝恩疏曰伏以臣言無少補身即遠行、過國門
跡阻陞辭中心耿耿感慕徒增不意涖輿曲體微情內使
臨存天語惻怛殊表接手暖氣回春若登螭頭再覩龍顏
雖死之日猶生之年臣不勝瞻天望闕泣血馳情之至謹
昧死以聞答曰省卿上疏予甚悲傷卿須善對以副至意
行到平山胡差五人來見先去畧無困辱之事而龍胡急於
還歸催促甚至星夜兼程自平山三日至龍灣精神氣力

少無困頓即十月十日也龍胡與本朝諸宰設宴引金尚
憲坐於吏判之上衣布衣着冠負投人而八、即偃卧胡
輩亦不嗔怒龍將曰俺等已有所聞益言无諱答曰不知
何言龍胡曰丁丑國王之下城獨以為清國不可事不為虜
駕是何言耶答曰豈不欲從吾君但老病不得從行耳又曰
丁丑以後除拜一不受之還納官教云何也答曰國家以吾
老疾不為除職不知除拜何官而不受耶我國大小之官
皆在此孰不知之此誕妄之說聞於何庸耶又曰舟師
來時何以沮撓乎答曰吾守吾志吾告吾君國家不用吾
言微細之言何以至於他國乎龍胡曰何以謂之他國乎
答曰彼此各有境界安可不謂之他國乎三將相語使之
擡出別無怒色梧木道曰朝鮮之人言語間媿姁發說此

人應答甚快最難老人也從胡輩亦嘖々稱強胡人別定
勤幹差使負使之扶護且令乘輜而比路中幕次供饋必
先之曹蔡與中得淵並令人去

朴漢當初多用銀貨於龍鄭兩胡故即遷去終被并徵拘
留於潘中蓋朴簪為江原監司為朴漢所論逮及入潘陽
漢深斥簪太甚仍成仇怨且累被金尚憲之重較金番朴
金之事專由於簪之嗾囑

辛巳正月初九日所謂質可王者與刑部官會坐刑部請
世子及陪臣來會而金尚憲及曹蔡得淵等四人項加鐵鎖
合結兩手先至刑部門外先問金尚憲則所答一如灣上問
答而當其入刑部時亦負於人而行至於偃卧如前胡人不
為啊禁得淵亦如金負行則胡人以杖打之曰天子天子汝

欲效金某耶次問曹漢英曰爾之陳疏何事也荅曰國王久在
調攝中罕接臣鄰請於卧內頻接大臣謀論治道而已萬一
橫議則宣於丁丑登萊送舟師時為兵部與調軍兵乎其
無他意可知矣蔡以恒曰鄉人無預朝家事只以賦役偏
重陳疏胡曰賦役何事也蔡曰量田後田稅刷馬之法以
前煩重者也更問得淵曰曹蔡與爾所言何相左也得淵曰
此皆吾在瀋陽時事也龍胡歲問之際只以所聞言之疏中
辭意則果未知矣刑部官三人使鄭命壽傳言曰金尚憲
丙子之前橫議紛紜使國家傾危尚不知悔猶踵前習曹
漢英疏請頻接臣僚者必是陳為不善之事蔡疏徭役煩重
之說必指歲幣軍糧而言也申得淵夫馬調送時陳疏作梗
發告曹蔡及已相面乃反矇矓四人一叢當死云龍骨大

等來言於世子館曰金曹等罪初以死論以為今番出去
時十二件事本國皆以自服金某等亦即入送朝廷之失
皆豈勿論金曹等罪亦當思量以處云仍拘留五臣於別
館

執義趙何大言於朝曰金尚憲之事專由於柳碩輩論効
遠播胡中以至於此胡人尚知敬歎而我國之人反不如
犬羊云矣 辛巳五月金尚憲得病將至不救 世子言於
龍胡汗出送金以下四臣使之拘留於灣上而出來時若險
路則願來胡將必下馬扶引金所乘之車可知醜虜尊敬
之至也

壬午正月初三日五臣到灣上即跪上伏以臣等羈繫異域
再罹寒暑枯形危喘與死為期伏蒙天地父母之仁德動遠通

誠感上下脫之於鼎鑊刀俎之間還之於乳哺衽席之內耳
生之恩如骨而肉生此非臣等之力所能仰報而玉闕雖入
長安尚遠不得趨詣闕庭少伸微悃無任瞻天望日感激
流涕之至又上書于 王世子曰伏以一言可以回生一言
可以赴死此至仁之心與天地同其德者也舊聞斯語於身
親遭無辜被災同陷不測一年牢囚死亡無日邸下哀而
慙之軫念不已感動之效終致影響其聖上矜恤之心而
法皇天仁聖之道者至矣益矣又非特臣等區區私情之
所感戴也臣等抑有所不能堪者身出枵棘心係軒墀日
夕延頸如聆玉音弱子慈母未足喻其情也一朝蒙恩脫
身獨歸而蒼黃駑迫竟阻祗謁轉眄之頃已屬行館一步
一涕肝腸如奠今到龍灣食息已定自今至死皆 邸下

之賜臣等無任北望感泣之至謹昧死以達

傳曰申得淵之事極為駭怪奉命之官雖鉞鉞前當不避而遽能走還多陷他人尚不施罰者為其方係清國今姑削奪官爵

丙子之亂扶植綱常者只是金尚憲鄭蘊兩人而已鄭蘊患風痺卒于辛巳六月二十一日金尚憲尚存拘繫故本末曲折不憚縷、詳載于此

頃者胡差之來領相洪瑞鳳吏判李顯英等枉濤上為龍胡脅持無一事不爭我民及漢人萬死逃還者向化之來我土生長子孫者八路守令方伯不問真偽惟務多送免彼嗔恚及至偏局點閱之際父子兄弟之相訣去留者斷指為贈流血滿庭古今天地豈有如此慘怛者乎聞之者莫

不酸鼻龍胡所得三件人不知其幾千百而奢欲無厭使以
百名追送領相吏判速接使等以百為多反以隨得隨送為約
文着押而給之厥後彼輩每催督還為日後無窮之弊
良可歎也

鄭命壽本我 國殷山官收也備局議啓拜知事下送官教
則命壽曰天恩感激即當肅拜煩不能啟夜深後擇其淨
潔處當東向拜謝云矣

辛巳春瀋陽又使送砲手一千騎馬一百匹車夫五百人
以柳琳為將趁三月二十日逢點於瀋陽故柳連統制使
以送而軍餉器械自我國陸續八來林慶業與軍兵自海
州衛撤戍而還柳琳八往瀋陽與胡王胡將往攻中朝祖總兵
所守錦州衛得其羅城合圍累月與天兵之自松山結來

援者援戰時星州居砲手李士龍囊佩四十餘九金虔放見覺
為胡將所殺蓋士龍雖是軍卒本土族孽子比行事與常
獲自別及其發行謂其家人曰若聞與中朝相戰之日當為
我忌辰云其志已定及聞其死莫不悲之牧使崔有淵作文
親往祭之五月胡稱以連代又使發送砲手五百而大將以年
少武將定送去以統制使柳廷益為將發近道御營軍六月
逢點入送

中朝之王都事稱名人領二百人來泊龍川欲傳皇勅及
冕服印信平安監司鄭太和兵使李顥達治江列陣多發
大砲王都事還入海中而前都承旨沈演為兩西都巡察
使林慶業為白衣別將李棟為從事官御漢水不得下陸
沈演辭朝時引見請以干戈從事上以臨時相機為教

壬午二月松山站王廷臣約為內應胡人猶不信使有罪
立功自效試為先登廷臣之黨扶腋以上本月十八日終
致失守城中之人皆為屠殺只是廷臣將官親切者十三
人不殺設宴犒師洪軍門承疇亦屈皇朝文士之降虜承
疇為始云得城中銀貨二十餘萬兩糧餉足支數年云松
山站將中祖大樂即摠兵大壽之弟也九王右真王在錦
州送祖大樂城中使誘其兄則三月初八日大壽率其官
下百餘名將官二十餘人出往於九王會處諸王設宴招
我國大將以下視之諸王抄出甲騎八千名八城守探而
漢兵補以分據八高山移去伊州衛使其妻子出城後甲
丁則盡殺而其中漢兵及蒙古清兵格奴亦死傷頗多
而終至敗戮我國大將以下各給賞銀蓋錦州城中飢死

者甚多軍兵亦不多想被圍經年中朝不為救援使至於
此天下事已無可言而祖大壽以天下名將偷生犬羊誠
可痛惋汗八門擊鼓會諸將受賀請 世子隨參

我國之軍兵只留若干而前後赴者益為撤退我軍當初
入去之時如就死地及到彼境汗及胡王以下無不厚待益
給其戰中所得之物到今人皆感悅盛稱其威德咸有歆羨
願行之意

中朝議和汗出送二師李景奭問其可和與否其書曰朕
自與明朝搆兵以來每見生民死傷太多心實不忍屢欲和
好奈何明朝君臣妄自尊大其視軍民之塗炭毫不關心
竟不欲和及諸王圍困錦州十三萬援兵頃刻覆沒始懼
而欲和乃令錦衣衛官一員職方司官一員總兵官二員

至軍門前請成諸王以其無御寶書札非回者三次嗣後二齋
御寶書札其來官與我臣接見時正是遜辭恭敬自居其下
不似曩者矣諸臣悉以情狀來奏朕閱所用明朝皇帝之
寶大而稍偏初疑而不信乃以示所獲軍門洪承疇承疇云
此寶寶札真的無疑云況壬申年皇帝征漢兒時張家江
沈巡撫有二十八日盟誓之事明朝皇帝亦明之知但不勝
文臣浮議故罷巡撫之任後復命會議和事又為文臣所
沮遂寢其事此事請和決非虛語云、朕初以彼之請和不
過設計誑誘欲免錦州四城之難亦未深信今復遣官至
朕思四城已破援兵已絕加以飢饉荐臻竊盜蜂起流賊轉
熾蓋迫于不得不和耳朕想近日我之藩服不為不多強
固不為不廣彼既請和意欲成和而共享太平之福諸王

貝勒等或謂明朝時勢已衰正宜乘此機會攻取北京安
用和為但念征戰不已死傷必衆固有所不忍縱蒙天眷
得成一統豈有長生之人子孫寧有豈守不絕之
理乎昔大金曾亦一統今安在哉朕之真心如此諸王等
所見如彼進取與和將二者孰善以王誼屬一體故降勅
商議宜陳其所見勿得隱諱

義州品官崔孝送益賣其田宅家藏買入中朝方為
把摠云故朝人使細作漢人出送于孝送族屬之在於閑
西處佯若自中朝來者然密傳安否使之捧書以來云則彼
皆信之不疑書給薩札備益曲折其中一款乃義前州府尹
黃一皓亦欲服爾之所為曲護私黨云辛巳五月朔送差二
人直入闕中屏去承旨史官與上附耳語仍納崔族護書則

崔族屬之名在書中者盡命拿來一番捧抬然後胡差使
本國照律右相姜碩期欲律之絕島安燕領相李聖求右
相申景禎直以處斬擬律姜爭之不得即為起出本月初
九日兩胡及鄭命壽出南別殿外踞坐繩床使領相以下
百官列立崔族張厚健等十一人及黃叅知一皓一時斬殺血
流波道此古史中亦未有之變令人氣塞黃叅止從容略無
怖色吏曹叅議李德洙在傍呼其字曰平生欲為國事今
乃浪死誠可恠也黃曰我死猶勝於令輩之生云黃有八十
歲老母人皆痛惻如喪親戚黃一皓字翼龍故名宰判書
慎之養子也為人慷慨擔當國事人以此尤惜之往年
上命囚崔之一族前領相洪瑞鳳密劄放釋胡差知之招
致洪相於庭中致辱無數領相李聖求與鄭命壽問答

之際謂聖求曰台言出於口者及不冰我肚問而聖求不以
為恥笑謂命壽吾子不久當入質藩中令頃愛之云命壽
托以房妓非美色欲出求閭家日賂千兩銀子以悅其心
今番接待之孚信於曩者矣胡差之還言於上曰今行
有所處登請與禁府堂上使之隨去則胡差到陝西在族
勿問親疏十五人又為益殺而去

張張軒頭光經變後祭家廟為文告之曰在家不肯在國无
益永

擬填溝壑仍入永川深谷立巖書堂更不還家

乃終於此前吏曹正郎金慶餘托疾以親病不仕除拜金郊察
訪亦不赴朝廷論以殿避徒配本驛放還之後屢拜兩司長及
玉堂應教亦不起慎天翔李必行亦屢拜兩司亞長而並不仕
中朝太僕卿張春壬戌生辛未年以監軍御史到遼上虜之

八寇時被擄窘辱萬端終不屈臥之無人之境經年不死然後虜亦厭其興義移居瀋陽汗所居至近之地為構精舍數間使少僧二人侍側任使所供極備或有脅降之言則必以刃加頸虜還止之坐必北向對人不語足不履地每曉起拜祝天以一句詩春祝貼門曰勁節凌霜竹丹忱向日葵為人短小精悍願如其心年八十卒已三月因病卒瀋陽胡俗以火為葬而今於張良殮殯衣服汗使孔耿皆用華制葬於中朝往來路傍恐有掘取之寇定以守塚二人經年乃罷

韓興一名甫徵曉其所着更被新衣曰初見他國之人不可不整其儀表先自入拜言于賊曰國舅姜碩期亦在此云蓋欲招八以混其跡也姜托病跌斃久而不前賊竟捨去姜初

欲自決嬪宮亦從死矣為兩大臣所挽不果其意

遠近士族婦人之被擄者非一而李敏求妻及其兩婦之事人皆唾罵言之醜也敏求以其妻為死於嘉山稱以節作誌銘盛道其美求文字於東陽尉申翊聖人皆笑之

妻妾之續遷者無不懷舊同居獨新豐府院君張維以為失節之人不可為配而已奉先祀陳疏請令子改娶領議政崔鳴吉回啓二辭曰如此則怨女必多不可不慮遂為防啓及張維死耿夫人更為上言上命只許此人勿以為例

臺諫論江都諸將失律之罪初以按律啓張紳金慶徵李敏求等張紳賜死而不為決案上命自益厥家在西小門外自縊其家禁府都事亦不親見以此都事見罷人言藉其逃生至於承旨洪憲啓於榻前請劾棺上不許

金慶徵則臺論初謫江界判書金時讓及叅判俞伯曹等
疏更臺論又爭拿來賜死敏求圍五寧邊姜晉所以不能
禦賊渡海配遠地臺臣更請拿來梟市忠清水營軍官及
下卒詣闕號哭累度上書於備局伸其冤竟不免於死初
與慶徵同在禁府聞賜死命下慶徵號哭未儀晉所笑
謂慶徵曰雖哭終日可免卒飲食自若以其實鈞授僧者
曰此是利鈞以此速斬我而持去蓋江都力戰無如晉所而終
至於死且臨死又從容如此誠壯士之有所守者人皆惜之水
營軍卒皆少長皆追思垂泣如悲親戚云

尹煌俞梲李一相俱以斥和尹俞中道付處李遠竄說書
俞榮曾在南漢請斬金塗言甚截趙綱曾論洪臨鳳三公
同議定罪俞榮付處趙門點其後因臺啓趙蒙釋

洪翼漢時為平壤庶尹賊回軍時定差使負甌山縣令邊
大中押送虜營大中束縛困辱使不得飲食翼漢哀乞
解縛不聽即二月十二日也十八到龍灣二十日到通遠堡
胡人來問遠來之由出食厚饋此雖犬羊猶勝大中也二
十五日到瀋陽汗令禮部設宴享于館所似無毒害之意
三月踏青日有詩曰陽坡細草拆新胎孤鳥樊籠意轉
哀荆俗踏青心外事錦城浮白夢中來風翻夜動陰山
動雲入春嘶月窟開飢渴望能聊縷命百年今日淚沾
腮初七日招問時翼漢抗言不屈以文字書示曰朝鮮國累
臣洪翼漢斥和事意歷歷可陳而但語音不相慣曉敢以
文墨搆白夫四海之內皆可為兄弟而天下無兩父之子朝鮮
素以禮義相尚諫臣惟以直截為風故上年春適授言責之

任聞金國將渝盟稱帝心以為若果渝盟即是悖兄弟也
若果稱帝則是二天子也門庭之內豈^有悖兄弟哉覆載之
間豈有二天子哉況金國之於朝鮮初有交鄰之約而先
背之太明之於朝鮮舊有字小之恩而深結之忘深結之
大恩事先背之空約於理甚不近於事甚不當故首建此
議欲守禮義者是臣職耳豈有他哉但臣子職分義當盡忠
孝而已上有君親俱不得扶護而安全之今王世子大君
皆為俘老母存歿亦不知之良由一疏之浪陳以致國家禍
敗揆諸忠孝之道掃地益矣自寃乃罪可殺罔赦雖萬被誅
戮實所甘心血一鬻鼓魂去飛天歸遊故國快哉快哉此
外更無所言惟願速死速死汗見此書大怒別囚其隨行
奴僕使不得相通乃即出其水於我國厥後事情邈然不

聞而或言初十日被害云三月初三日以前之事皆出於翼漢日記中厥妻及兩子俱死於賊鋒老母一女得存

吳達濟有寄家四詩其思親詩曰風塵南北各浮萍誰謂相分有此行別日兩兒同拜母來時一子獨趨庭絕裾已負三遷教
泣線空悲寸艸情關塞路脩西影暮此生何路更歸寧其
思君詩曰孤臣義正心無忤聖主恩深死亦輕最是平生无
恨痛北堂虛負倚閭情其思兄詩曰南漢當時就死身楚囚
猶作未斂臣西來幾灑息兄淚東望遙憐憶弟人魂逐征
鴻悲隻影夢驚池草憶殘春想當彩眼趨庭日忍把何
事慰老親其贈內詩曰琴瑟恩情重相逢未二晷今成
萬里別虛負百年期地濶書難寄山長夢亦遲吾生
未可卜須護腹中兒哀辭苦意備載於此聞者莫不悲之

或云與尹集同時擄殺或云幽於深處已經累年尚無消息想已見殺矣

尹榮即集之兄亦人才也丙子乞郡為南陽府使向化引賊八府見執不屈罵賊而死

丙子冬廢主自江都移圍於喬桐丁丑出城後申景禎具宏申景瑗申景禪洪振道等聯名貽書于京畿水使申景珍使之從便善處蓋潛害之意也景珍不從二月自喬桐又移於濟州也有武人求為別將以為立功之地而不得焉蓋景禎等之餘意也辛巳七月初二日卒于濟州

賊兵回還時留孔有德耿仲明等兩賊與我國合勢以犯榷島孔耿初以唐將習於舟師反據山東為天朝所擊浮海投賊者也我國以柳琳為首將林慶業為副隨孔耿同

犯檣島，在海中非但泊舟甚難，周設火炮賊累月不敢
犯。問策於我國兩將，辭以不知賊或威或誘。慶業曰：島之
一面但山，下海水相通，島人不設備於此。若乘夜舉舡踰
山潛渡，以八可以陷之。賊大善其計。一如林言，終以此謀陷
檣島。慶業佯托逗留，多殺賊兵而陷島之專計出於此人。及
其八島我國之人殺掠漢人有甚於奴賊，島人望以五六
舡浮海逃生。都督沈文魁舉手下兵數百登山誘之，曰：汝
若來降，富貴可全。文魁使人答曰：我為大明之臣，死則死
已，豈降於犬羊乎？賊專力圍攻，皆死於鋒刃之下。無一人
降者。文魁素是賈賣賊隸，終建大節，誠天下之烈士也。當
賊之攻島也，朝廷預先潛通而畏賊威，竟不能為。以至於
此，自汙以下四月內，次茅渡江，慶業以攻島之功，多受賊賈。

當變初全羅右水使成夏宗左水使安夢尹統虞侯黃漢
領舟師越不上來到處遲留到在江都一日程聞賊已纔
陷島亦不赴難從外洋往喬桐及出城之後皆退還本鎮
其後夏宗陞拜濟牧夢尹配於心方未久蒙放漢只為罷
職旋為叙用

杞平君俞伯曾上疏畧曰尹昉金瑬之誤國臣之正月疏
已益其大畧矣正月以後尹昉金瑬之罪臣請條陳焉上
年秋夏以前瑬之斥和論議其峻至曰清國不當書信使
不當送及 殿下特下敵若疾八體察難免其罪之教乃
反附會和議尹集縛送尹煌等之論罪瑬實主張山城圍
身為將相終使君父出城而未嘗一番引咎元帥以下之
擬罪偃然擬當 初清人之請出東宮也瑬即勸出願為

隨行及夫北轅也辭以老病人臣分義果安在哉凶人誑
誘守燧之卒群聚闕下請出斥和臣軍情一動爭欲刺刃
塗腹自知難免使李弘胄代顧其衆殿下以塗為忠於君
耶為身謀耶塗以質子慶徵官高遭喪懸錄名下具宏大
言曰東宮爵位不及於慶徵耶中殿之初暮綏過慶徵
獨在母喪耶塗即寢其事上年龍朔之來也徧局陳絕和
之計政院騰為有旨傳於掖上見露於清人若送斥和人
則其時廟堂當之年少之人奚罪焉趙綱俞榮皆得罪大
臣者也自為反罪未嘗聞也其他平日受賂無厭徇私蔑
法忘君負國特其餘事頃者犒賞之日以馬賞塗云前日
賊若溪人則體察難免之教殿下無乃忘之耶臘月二十
九日之戰一出於塗之指揮壯士多死士氣大挫及歸罪於

申景祿黃絹至於棍打此何異桓溫之敗枋頭而罪素真也尹昉則久在相位越視秦膺罪不容誅而變生之初既受廟社之托其責不其重乎金慶徵之為檢察使出於壘之自薦蓋為一家避難之計也當入江都也先濟其家屬卜駭令廟社嬪宮留津頭三日不得濟內官金仁不勝其憤失聲痛哭此人非但殿下之罪人乃金仁之罪人也又以令旗濟其親助之人致令士民彌滿於江邊沒數被擄如是者非一可勝痛哉為太臣者若以此罪梟慶徵之首則張紳何以逃去江都何以陷沒金尚容何至於自決乎計不出此而任他狂童所為不能有無於其間昉焉得無罪乎嗚呼望風奔潰何代無之而不有宗社嬪宮有如慶徵乎棄其母如棄弊屨亦有如慶徵者乎兩司丞壘者

沒其重罪草二塞責之態臣不忍正視也慶徵以敏求為
勝已一動一靜無不問於敏求江都呼敏求為慶徵乳母
敏求之罪與慶徵何異哉津頭之將失守也急奉廟社請
嬪宮大君從後門馳出則可以乘軼而時乃縮頭鼠竄匿
於民家為內官所得非但廟社污讎散失終乃揮手虜陣
此則 殿下在山城之日也時之罪如此而只以廟主散失
止於罷職公論何時得見乎張紳臨決不服可於本罪加一
等而使之自盡自古安有自盡之軍律乎其實不與殺何
異哉頃於憲府之答有曰若重罪犯循私停啓使死者
不服

殿下既知張紳之獨死為寃而慶徵之不死為失刑則誰
憚而必待兩司之論乎合啓之答有曰元勳獨子不忍加

彊此又不以慶徵為無罪也若連啓不已則恐必蒙允即
發傳啓之簡為大司憲金南重所沮翌日又傳合啓即傳
惟意所欲塗之勢重耶輕耶元勳之子比之於宗社則孰
重孰輕無乃 殿下視宗社嬪宮不及慶徵耶抑畏塗之
權勢不能行法欲假手於兩司耶 殿下尚此畏之兩司
獨不畏之乎沈緝以假王子假大臣之說訴清人因此轉
輾國事終至於大誤其時不斬其頭而尚保首領可勝痛
哉臣言防塗之事被罪曾未半年又發妄談利於身乎利
於國乎願 殿下深思焉 留中不下

南漢庵從蔭官及士子守堞軍士設文武科文士論題武
士弓銃以十五放一中以上八格文科鄭知和等十餘人
武科七千餘人京外公私賤及都監炮手皆與焉朝廷難

以處置以一千為局稱以國出身若係前為賤業則自中
有罰故失其所業無以衣食浴下賤黨之橫行凡百物貨
之騰貴皆由於此識者憂之

丁丑至月金汗踰為封王送差使胡稱為天使其書號勅
書汗自稱清國奉天承運皇帝書曰天地布寒暖之節帝
王操賞罰之功惟叛服者無常故恩威之異用念爾朝鮮
係我鄰國往來行李不壅兄弟朕方期金石之堅王忽起
參商之異拒我信使戒爾邊臣爾實與我暎方耀武雖云
聲罪而致討惟圖南面而回心王今既悔前非朕豈仍念
舊惡從前創始嘉興惟新既定藩封爰銷傳國之印宜中
新命用頒同文之符特遣使臣齎捧印誥仍封爾為朝鮮
王乃嘉恭順金章寶冊重新作我藩屏帶河礪山不改立

一時之名分定萬載之綱常善始令終永保年康之福敬
之懋哉勿吝帝命又歸勅諭曰朕惟禮不廢玉帛賞以勸
忠所從來久矣念爾歸命宜有封錫今特遣英俄兒代馬
付達戴雲封爾國王齎印並貂裘鞍馬王其祇受以見朕
優費至意故諭給朝鮮國王黑狐皮一張玄狐皮一領紫
狐皮一百張駿馬一匹玲瓏鞍一部崇德二年十月二十
日

所謂英俄兒代即龍湖馬付達即馬
胡骨大付大乃職名云矣

踏印上有篆文四字下

有二件蒙書一件無印而書中說話蓋我國向化刷還漢
人接登緣由詰文漢人刷還被擄逃還驛官三人刷還積
馬盜者推給三公六卿及士大夫家相為婚姻美色侍女
八送等事也龍骨大等到我境作孽受賂因有紀極而至
於勒納房妓達接使李景曾累度防塞且為啓稟龍胡

致辱無數朝廷不得已許之自此以後各邑妓生逐日入
房適意者往來舉行到京又以醫女巫女八之厥後化出
我國者遂以爲例少有怒意擊打士夫有同奴隸兵曹
佐郎邊虎吉被杖得病而死三公六卿及士大夫家十二
人定婚姻預報藩中汗謂遠來有獎罷之釋各道妓生十
餘人以充侍女厥後汗使里勿送

出城後南漢望月對峯加築曲城屬於山城胡差往使之
即撤且於三田浦使立勝捷碑作彩閣設層堦立崇碑其
中圍以垣工役浩大且巧大提學李景奭製文叅知吳玠
書之叅判呂翕徵篆之而清國及蒙古番文並書一面其
文曰崇德元年冬十有二月皇帝懷和自我始赫然怒以
武臨之直搗而東莫敢有抗者時我寡君棲于南漢凜凜

若履春冰而待白日者殆五旬東南諸道兵相繼而崩潰
西北師逗撓夷內不能進一步城中食且盡當此之時以
大兵薄城如霜風之捲秋穽燼火之燎鴻毛而皇帝以不
殺為武惟布德是先降勅諭之曰來朕全爾否屠之有差
殃馬諸大將承皇命相續於道於是寡君集文武諸臣謂
曰予托和好于大邦十年于茲矣由予昏惑自速天討萬
姓與肉罪在予一人皇帝猶不忍屠殺諭之如此予曷敢
不欽承以上全我宗社下保我生靈予大臣協贊之遂從
數十騎詣軍前請罪皇帝乃優之以禮拊之以慰一見而
推心腹復有錫賚之恩遍及從臣禮罷即遷我寡君于都
城立召兵之南下者振旅而西禁暴勸農遠近之雉鳥散
者咸復厥居環東土數千里山河即依舊矣霜雪變為陽

春枯旱轉為時雨既亡而復存已絕而還續此實古昔以
來所罕見者也漢水上流三田之浦南即皇帝駐蹕之所
也壇塲在焉我寡君爰命水部就壇所增而高大之又伐
石而碑之垂之永久以彰夫皇帝之功德直與造化而同
流也豈特我小邦世世永賴抑亦大朝仁聲威義無遠而
不服者未始不基于茲也顧摹天地之大盡日月之明不
足以彷彿其萬一謹載其大畧銘曰天降霜露載肅載育
惟帝則之並布威德皇帝東征十萬其師殷々夷々如虎
如貔西藩窮髮暨夫北落執艾前驅厥々赫々皇帝孔仁
誕降恩言十行昭回既嚴且溫始迷不知自貶伊感帝有
明命如寐之覺我后祗服相率而啟匪惟感懼惟德之依
皇帝嘉之澤洽禮優載色載笑爰束干戈何以錫之駿馬

車喪都人士女乃歌乃謳我后言旋皇帝賜皇帝班師

活哀我蕩析勸我穡事金甌依舊翠壇維新枯骨永

肉寒暑復春有石窀二大江之頭萬載三韓皇帝之休

百官賞加金尚憲辭資上疏曰臣本病人加以年老悖眊

隕心於擢髮數罪之語失性於天地翻覆之際形存心死

有同土木死復有立朝從仕之望轉輾流落朝夕待益不

意伏聞南漢扈從諸臣俱受賞加而臣名亦在其中臣始

焉驚疑終焉慚懼涉月經旬愈不自安方駕駐山城也大

臣執政爭勸出城而敢以死守之義每陳榻前臣罪一

也降書文字所不忍見手毀其草痛哭廟堂臣罪二也而

宮親詣敵營臣既不能碎首馬前又不得從行臣罪三也

臣負此三罪尚這刑章豈敢與諸臣之終始竊勒者忤蒙

愚竅也伏乞 殿下亟收成名以嚴勸懲之道如臣濫廁必
必有公論改正之事遠伏荒野聞見逮猥此煩顯元乃謬
乎且臣伏念寒暑不輟則裘葛不可廢敵國未滅則戰守
不可怠伏願 殿下克勵薪膽之志增修保障之地免使
國家再辱焉嗚呼母信一時之要盟元忘前日之大德母
過時帝狼之仁母殄絕父母之邦誰能以此為 殿下是
陳戒乎夫以千里為鄰人役古今所著每想 先王奏文
萬祈必東之語不覺沾衣也伏願 殿下念之哉臣_感無感
迷亂又復妄竊臣罪萬死

江都錄此書人多傳者而與西本異可相左又或補遺故同尾之以為覽者無誤

丙子十二月十二日義州府尹林慶業馳啓云賊已到九連城十三日兵使柳琳啓虜兵到安州十四日曉都元師金自點啓前鋒已及鳳山朝野涵以判尹金慶徵差檢察使為江都障守之任上問體察塗曰卿子可堪此任否曰慶徵无他才能至於捍守曷敢不盡於是李敏求副提學為副八守江都平明命領議政尹昉元任大臣金為密禮部判書趙翼參議呂甬徵正郎崔時遇社稷閔光勳宗廟閔祈長李義遵奉呂甬弘奉池鳳遂柳顥奉廟社主而行鳳林麟坪兩大君奉嬪宮淑儀元孫一時發行兩大君夫人諸宮人駙馬公主王孫宰朴東善判府鄭光續前判李尚吉同判鄭孝誠以老病宰相因承傳入往音韓與一以賓客侍奉

隨行前掌鄭百亨奉常趙希進監洪命工曹李行進兵

佐朴宗阜承文鄭恭齊林崕學尹濤監李傳柳益慶弼尹

烜湖姜渭濱前參沈之淳前校尹鳴殷修李一相都奇晚

獻都韓邊直講邊復一前縣沈東龜正李士珪禁府李時苾

皆未及扈行從后追入日晡時

上率春宮出慶昌宮而前隊未及青郊賊鋒已及上度

不及得達于江都遂上崇禮門樓與大臣方論應變之策

把摠池汝海出奏曰賊兵馳卒困馬疲令借臣鐵騎

三百衝鋒逆搏半日之內龍馬兩將之頭獻于行在大臣

叱退吏判崔鳴吉進曰臣當迎見龍馬兩將以之緩其鋒

遂與同知李景被持牛酒出迎于西郊仍令驪相金瑬率

訓鍊院炮手及御營軍出陣新門外為遮截之計遂閉崇

禮門 上回蹕由銅峴出水口門入廣州山城仍命沈器
遠為留都大將驪相及訓練大將申景禎皆捲兵入山城
變出頃刻城中士女顛倒分派光弱徒跣屣踏冰雪蟻沸
蛙吁欄道填門自東門出者由楊州廣州依險而入抵于
閔東或轉向嶺南自南門出道者由仁川南陽導海而走
或入島中或轉湖南嗚呼飢渴餘事烏竄魚駭子失其母
妻失其夫骨肉相離風餐露宿慘何言哉茅以賊騎直向
南城避亂士女得免急手而所謂檢察自恃金湯不通津
振嬪宮到甲串三日不渡金慶徵汝豈忍為此留守張紳
聞之言於慶徵僅以船濟嬪宮既入江都慶徵家屬已滿
城中二十三四日通津金浦士女及洛中奔竄之族百萬
餘人籠虎藏野泣號求濟而津路斷絕俄而賊驟至一瞬

之間如風掃葉或被搶掠或投江水慘不忍言

大駕出城之日命戶曹佐郎任善伯與正郎許瑋使之守
留賊兵衝過之後晝則避伏於白岳夜則還守本曹已過
又晝夜賊勢漸張將不待守迺與留都大將及叅議南詵
相議潛運常平倉銀子一萬二千餘兩本曹紬緞青布等
物藏置於白岳山中擇輕賈五千餘駄送于通津等地慮
被賊掠使任善伯領入江都乃於二十一日冒夜潛行由
白岳山自弘濟院從間道二十二日到江都翌日賊搶掠
津頭其後許瑋死於亂兵

金廢徵以江都負海依險雖以百萬賊兵未臨必不敢飛
渡一島晏然无備大臣疲弱不能節制帥臣驕傲專尚使
氣政出多門事々矛盾廢徵日與親屬閉門談笑杯酒酣

戲賊圍孤城

主上我衣暴露而一度狀啓不思馳聞剪

妻弄子偃卧煖氈

至尊親犯矢石觸冒風雪而慶徵則

錦障重裘滿堂歌笑

至尊鹿食糲飯食不甘味而慶徵

則擊鮮烹膏終日醉飽慷慨忠憤之士謗責相續塞目不

納且每時揚言曰父為都體察使子為都撫察使為國家

非^吾父子而誰進士沈熙世尹直柔等呈書聲責曰薪膽即

事杯酒非時云慶徵敏求終不聽用於是臣僚懷憤軍卒

解體一島之變將崩乎串以下燕尾以北死一人持杖者

矣

分司以三南散亡軍卒督發事命李敏求從海道巡視
列邑慶徵又不許送領相一日坐偏局招慶徵曰汝年幾
何安敢乃爾汝父奉主上在圍城中朝夕危急汝不念

王危又不念老父守三南督數在所急務而汝何敢循
私容護敏求敏求之為汝阿用久矣汝年幾何汝何敢乃
爾慶徵退以發怒投印於地曰此事吾所不知敏求不安
亦許往乃捉大船益載家屬曠日治漿尹相聞曰安有妻
子副察使乎若此輩雖往徒求飽於刳邑而已不如不送
敏求遂不往自賊中逃故人来言曰賊屯聚三江撤屋材
或造者皮船或造童車其意蓋在江都也慶徵曰江水尚
堅豈能陸地行耶乎

正月二十六日初更通津假守金迪急走奔告曰賊或以
賂耽載耶或以童車載耶已向甲串夜潮將渡矣慶徵始
有懼色從事官李一相朴宗集等分付把守之策分給大
箭鐵丸等物隨給隨錄又使戶曹郎官放料而甲串倉積

置軍糧則不為分給在城中從容散料人莫不悅之翌朝
日三丈後引軍緩々出城而士皆空拳人言體府軍罷積
如丘山以待今日之用矣更待何時慶徵曰在此軍需罷
械皆父親辦所吾何任意取用人益悅之使韓興一鄭百
亨率城中避亂人分付守堞燕尾之西豐德郡守李聖淵
守之燕尾之北開城留韓仁及都事洪震守廣城以北海
崇尉尹新之守之韓興一鄭百亨任善伯各率家僮坐南
門上懷恩君錦林君率諸宗親坐東門上閃光動呂爾徵
數三朝士坐西門上北門則軍數不足不能守人皆憤惋
事甚急迫舍長江天塹之險欲以空拳退守毀堞之中其
能禦乎賊兵屯聚越邊以紅夷炮亂放聲動天地人無不
摧折慶徵敏求惶恟避坐倉舍之底一軍撓亂不成列賊

以者皮船數隻載數十餘兵泛中流慶徵言於尹相曰
城中寧在疎吾當入城為計二大君及金尚容朴東善趙
翼趙慶錫李禮元等諸人亦隨入時任善伯以戶曹郎官
掌料在常平倉言于大臣曰長江天設之險也舍此欲何
之國之存亡在此一舉當整頓軍兵以為死守矣臨賊出
戰大將遽入則不但軍心沮喪亦必潰散檢察使不可遽
入大君誤以為然顧謂慶徵曰金公不可遽入慶徵又退
坐倉底善伯仍告大君曰賊船輕疾如飛我國戰船難運
於潮退此不可專恃於舟師莫如布陣於鎮海樓下狹扼
廈大張砲矢期於血戰且守城無異兒戲馳出城中軍卒
皆發體府軍器專力於陣頭可也張姓一人從以力贊之
大君曰戶郎之言是矣我當走入城中軍丁軍器親自領

來然此意不可不告於大將公急往告之善伯告於慶徵慶徵但唯：俄而賊船一手搖櫓一手擁盾而進留守張紳以舟師大將乘潮上來未及甲半一馬場潮退而船不得運張紳坐於船上叩腦而已忠清水使姜晉所自鷺尾亭擄師而來為賊炮所迫不得進賊船二隻到津頭官軍欲放火炮而藥濕火不發賊登岸中軍黃善身中流矢而死官軍不戰自潰於是賊乘勝四十餘里渡爭先呼噪之聲動山掀海慶徵敏求策馬先走乘小艇而流下與張紳同乘戰船而走趙翌季行追奮欲一戰而事無可為自投水中艤人援之而活賊如入無人之境內作隊步向府城城中之人告急於關內曠官大聲痛哭步出關門外欲為出城避海而城門已閉備局堅不許開以謄書告危急問

迫之狀終不開門矣嬪宮自知不得脫台內官金仁徐好
行泣且言曰吾與大君同死於此地汝抱扶出城幸而渡江藏
跡於溪僻處不幸不得渡隱伏於山谷生死之責汝善為
之金仁徐好行抱元孫走出城外則城門牢閉遂大呼曰
吾奉元孫欲出若不開門則當斬守門者聞光勲遂命開
門

賊已迫城金尚容即於火藥積上自焚死權順長揮而不
去曰台監獨為好事耶遂併就灰燼中李尚吉鄭百亨鄭
孝誠洪命亨尹炗宋時榮金益謙李時稷皆自決李嘉相
死於亂兵中李聖求夫人金塗韓西平夫人呂爾徵李昭
漢夫人慶徵妻皆死之鄭百昌妻亦縊死李敏求妻為賊
所執二子元揆重并被殺當時婦人之殉死及被虜不可

勝記而此其尤著者也。前都正沈覲乃詳之先也。其在東龜
蟻取江口請出避而覲曰：國破家亡，生復何為？吾之死決矣。
遂正朝服，北面再拜，索紙筆書遺疏曰：宗社已矣，死可往
矣。臣今一死以報國恩。手持外孫朴長遠顧謂夫人曰：情
同百年義，共一死。我為忠臣，君獨不為忠臣之妻乎？夫人
曰：夫死於忠，妾死於貞，潔身同歸，實所甘心。遂相對而縊。
賊到城門外，誘之曰：我之來此，將以為和好也。聞政承在城
中，云出聽我言。尹昉知其元可奈何，即往見之。賊謂昉曰：
和事不可不入城相議。速開門，我軍入城。我軍居左，貴軍
居右。議我可也。昉不得已，開門引入賊。始如其約，分隊兩
邊而已。逼出嬪宮及大君，遂縱兵大掠城中。官府閭舍焚
燒毀撤，一城魚肉。其免殺者皆從以縛之。駢首聯臂，觸骨

山積前牽後駟豕突羊狼慘不忍見於是奉出嬪宮及兩
大君夫人淑儀直渡江向漢賊南出之後慘淡灰燼之中
一二三歲赤子匍匐枕尸而啼或呼又呼母氣盡而仆者
不計其數先是國家以江都為保障設倉峙糧為累鉅萬
又自本曹銀貨布帛連絡輸置勞幾年之經營殫萬民之
力竟為一豎子所誤可勝痛哉賊之圍南漢也聲言刻期
舉兵將陷江都云國中大小臣民莫不驚懼而獨虔徵冷
笑曰彼烏敢飛渡是誑我也畧不動念遂至大君嬪宮咸
下之辱虔徵諸人安得免其誅哉

嗚呼丙子之變慘矣尚忍言哉承突之患出於倉卒旬日之內三京覆沒萬姓魚肉大駕去邠江都失守搶掠焚燬公私赤立有甚於壬辰之疫終至於出城東宮大君又執繫異域士族婦女之汚鱗上下貴賤之俘係此皆前古之所罕有也若非身親經亂詳盡記實則後世何得以知之壬辰纔經五十年當時被兵之人尚多存者昧然若往古然可勝歎哉壬辰記事之書皇朝傳信錄載其中朝將士東征之事西崖懲忿錄載其扈駕西行之事且及其所聞中象村亦記其畧于而十元其七八余嘗恨之今著丙子錄先叙其起禍之由次及以目見之詳若其傳聞者旁搜廣訊博采群言毋論細大靡不畢舉人之賢否事之是非不問親疎據實直書取自比於野史時移世遠或恐遺失忘

其僭越備載于此後之覽者幾若眼擊則未必無少補云
龔

枕戈誌下編終



